

Cuntas Leithreasa 2021

Vóta 39

An Oifig um Sholáthar Rialtais

Réamhrá

Mar Oifigeach Cuntasaíochta do Vóta 39, ceanglaítear orm an cuntas leithreasa a ullmhú don Vóta gach bliain, agus an cuntas a chur faoi bhráid an Ard-Reachtair Cuntas agus Ciste lena iniúchadh.

De réir an cheanglais seo, d'ullmhaigh mé an cuntas a ghabhann leis seo ar an tsuim a caitheadh sa bhliain dar chríoch an 31 Nollaig 2021 ar thuarastail agus costais na hOifige um Sholáthar Rialtais.

Cuirtear an toradh maidir le caiteachas i gcomparáid leis na suimeanna

- (a) arna ndeonú ag Dáil Éireann faoin Acht Leithreasa, 2021, lena n-áirítear an tsuim a d'fhéadfaí a úsáid mar leithreasai-i-gcabhair ar mhaithe le caiteachas don bhliain, agus
- (b) arna soláthar le haghaidh seirbhísí soláthair chaipitiúil in 2021 amach as leithreasai 2020 nár caitheadh, faoi na socrúithe géillte iarchurtha arna mbunú le halt 91 den Acht Airgeadais, 2004.

Dlítear farasbarr €1.761 milliún a ghéilleadh don Státhiste.

Is cuid den chuntas iad an Ráiteas faoi Pholasaithe agus faoi Phrionsabail Chuntasaíochta agus nótaí 1 go 6.

Ráiteas faoi Pholasaithe agus faoi Phrionsabail Chuntasaíochta

Cuireadh na polasaithe agus na prionsabail chaighdeánacha chuntasaíochta maidir le cuntais leithreasa a tháirgeadh, mar atá leagtha amach ag an Roinn Caiteachais Phoiblí agus Athchóirithe i gclárcláin 1 agus 9 de 2022, chun feidhme agus an cuntas á ullmhú.

Dímheas

Gearrtar dímheas bliana iomláine i mbliain na fála/an choimisiúnaithe agus ní ghearrtar aon dímheas i mbliain na diúscartha. Is de réir méid cothrom a ghearrtar dímheas.

Ráiteas faoi Rialú Inmheánach Airgeadais

Freagracht as an gcóras rialaithe inmheánaigh airgeadais

Mar Oifigeach Cuntasaíochta, aithním an fhreagracht atá agam as a chinntiú go ndéanann an Oifig córas éifeachtach rialaithe inmheánaigh airgeadais a chothabháil agus a fheidhmiú.

Déantar an fhreagracht seo a chleachtadh i gcomhthéacs na n-acmhainní atá ar fáil dom féin agus i gcomhthéacs mo chuid oibleagáidí eile mar Ard-Rúnaí. Freisin, ní féidir le haon chóras rialaithe inmheánaigh airgeadais ach dearbhú réasúnach seachas dearbhú iomlán a thabhairt go gcosnaítear sócmhainní, go ndéantar idirbhearta a údarú agus a thaifeadadh go cuí, agus go ndéantar earráidí ábhartha nó mírialtachtaí eile a chosc nó go ndéanfaí iad a aimsiú go tráthúil. Is próiseas leanúnach é an córas rialaithe inmheánaigh airgeadais a chothabháil agus bíonn an córas agus a éifeachtacht faoi athbhreithniú leanúnach.

Seirbhísí comhroinnte

Tá mo chuid freagrachtaí comhlíonta agam i dtaca le ceanglais an chomhaontaithe bainistíochta seirbhíse idir an Oifig seo agus an Oifig Náisiúnta um Sheirbhísí Comhroinnte maidir le soláthar seirbhíse comhroinnte (e.g., Acmhainní Daonna).

Bím ag brath ar litir dearbhaithe ó Oifigeach Cuntasaíochta na hOifige Náisiúnta um Sheirbhísí Comhroinnte á rá go bhfuil na rialuithe cuí á bhfeidhmiú le linn seirbhísí comhroinnte a sholáthar don Oifig seo.

Timpeallacht rialaithe airgeadais

Deimhním go bhfuil timpeallacht rialaithe i bhfeidhm a bhfuil mar chuid di na heilimintí seo a leanas.

- Sannadh freagrachtaí airgeadais ag leibhéal bainistíochta le cuntasacht chomhfhreagrach.
- Bunaíodh socruithe tuairiscithe ag gach leibhéal ar ar sannadh freagracht as bainistíocht airgeadais.
- Bunaíodh nósanna imeachta foirmeálta do theipeanna suntasacha rialaithe a thuairisciú agus do ghníomhaíocht cheartaitheach chuí a chinntiú.
- Is ann do Choiste Iniúcháireachta le comhairle a thabhairt dom maidir le comhlíonadh mo chuid freagrachtaí as an gcóras rialaithe inmheánaigh airgeadais.
- Tá nósanna imeachta do na príomhphróisis ghnó go léir doiciméadaithe.
- Tá córais i bhfeidhm chun na sócmhainní a chosaint.

Tá an Ráiteas faoi Rialú Inmheánach Airgeadais don Roinn Airgeadais ábhartha freisin ós rud é go soláthraíonn an Roinn Airgeadais seirbhísí áirithe ar bhonn comhroinnte do Vóta 39.

Rialuithe riaracháin agus tuairisciú bainistíochta

Deimhním go bhfuil creat um nósanna imeachta riaracháin agus tuairisciú rialta bainistíochta i bhfeidhm, lena n-áirítear deighilt dualgas agus córas tarmilgín agus cuntasachta agus, go háirithe, gurb ann dóibh seo a leanas

- córas buiséadaithe cuí le buiséad bliantúil a gcoinníonn an lucht ardbhainistíochta é faoi athbhreithniú
- athbhreithnithe rialta ag an lucht ardbhainistíochta ar thuairiscí tréimhsiúla agus bliantúla airgeadais ina léirítear feidhmíocht airgeadais i gcomparáid le feidhmíocht thuartha
- córas bainistíochta riosca laistigh den Oifig
- córais atá dírithe ar shlándáil na gcóras TFC a chinntiú
- treoirlínte cuí rialaithe infheistíochta caipitil agus disciplíní bainistíochta tionscadail foirmeálta.
- cinntíonn an oifig go mbíonn fócas iomchuí ann ar an dea-chleachtas ó thaobh an cheannaigh de agus go mbíonn nósanna imeachta i bhfeidhm lena chinntiú go mbítear ag cloí leis na treoirlínte bainteacha go léir, lena n-áirítear na ceanglais atá leagtha amach i gcioclán 40/2002.

Iniúcháireacht inmheánach agus an Coiste Iniúcháireachta

Deimhním go bhfuil feidhm iniúcháireachta inmheánaí ag an Oifig, le pearsanra atá oile go cuí, a fheidhmíonn de réir cairt scríofa atá faofa agam féin. Téann anailís ar na rioscaí airgeadais sin atá os comhair na hOifige i bhfeidhm ar a cuid oibre agus tá a cuid pleananna bliantúla iniúcháireachta inmheánaí, atá faofa agam féin, bunaithe ar an anailís sin. Tá sé d'aidhm ag na pleananna sin na príomhrialuithe a chlúdach ar bhonn rollach thar thréimhse réasúnach. I gcomhar leis an gCoiste Iniúcháireachta, déanaim an fheidhm iniúcháireachta inmheánaí a athbhreithniú go tréimhsiúil. Tá nósanna imeachta curtha i bhfeidhm agam lena chinntiú go ndéantar gníomh leantach i leith thuairiscí na feidhme iniúcháireachta inmheánaí.

Creat riosca agus rialaithe

Tá córas bainistíochta riosca curtha i bhfeidhm ag an Oifig lena ndéantar sainaithint agus tuairisciú ar na príomhrioscaí agus na gníomhartha bainistíochta a dhéantar chun aghaidh a thabhairt or na rioscaí sin agus, a mhéid agus is féidir, na rioscaí sin a mhaolú.

Tá clár rioscaí i bhfeidhm lena sainaithnítear na príomhrioscaí roimh an Oifig agus rinneadh iad a shainaithint, a mheas agus a ghrádú de réir a dtábhachta. Déanann an Bord Bainistíochta athbhreithniú agus uasdátú ar an gclár go ráithiúil. Úsáidtear toradh na measúnuithe sin le hacmhainní a phleanáil agus a dháileadh lena chinntiú go ndéantar bainistiú ar rioscaí de réir leibhéal inghlactha.

Tá sonraí sa chlár rioscaí ar na rialuithe agus na gníomhartha a bheidh ag teastáil chun rioscaí a mhaolú agus ar na freagrachtaí i leith fheidhmiú na rialuithe atá sannta do bhaill foirne ar leith.

Monatóireacht agus athbhreithniú leanúnach

Tá nósanna imeachta foirmeálta bunaithe le monatóireacht a dhéanamh ar phróisis rialaithe agus déantar easnaimh rialaithe a chur in iúl go tráthúil dóibh siúd a bhíonn freagrach as gníomhaíocht cheartaitheach a dhéanamh agus don lucht bainistíochta agus don Bhord Bainistíochta, nuair is ábhartha. Deimhním gur sainaithníodh príomhrioscaí agus na rialuithe gaolmhara agus go bhfuil próisis curtha i bhfeidhm le monatóireacht a dhéanamh ar na príomhrialuithe sin agus aon easnaimh shainaitheanta a thuairisciú.

Athbhreithniú ar éifeachtacht

Deimhním go bhfuil nósanna imeachta ag an Oifig le monatóireacht a dhéanamh ar éifeachtacht a nósanna imeachta do bhainistíocht agus rialú riosca. Tá monatóireacht agus athbhreithniú na hOifige ar éifeachtacht an chórais rialaithe inmheánaigh airgeadais curtha ar an eolas ag obair na n-iniúcháirí inmheánacha agus seachtracha agus an lucht ardbhainistíochta laistigh den Oifig atá freagrach as forbairt agus cothabháil a dhéanamh ar an gcreat rialaithe inmheánaigh airgeadais.

Saincheisteanna rialaithe inmheánaigh airgeadais

Níor sainaithníodh aon laigí sa rialú airgeadais inmheánach i dtaca le 2021 ar ghá iad a nochtadh sa chuntas leithreasa.

Saincheisteanna rialaithe Covid-19

Rinneadh measúnuithe ar thionchar Covid-19 agus is iad seo a leanas na torthaí:

- Cuireadh ar chumas gach baill foirne obair go cianda le linn na paidéime agus bhíodhas in ann leanúint go réidh d'oibríochtaí ar fud na bliana. Fuarthas réiteach ríomhshínithe, rud a d'fhág go rabhthas in ann síniú digiteach a chur le creat-chomhaontuithe, le conarthaí agus le doiciméid eile.
- D'eisigh an lucht ardbhainistíochta teachtaireachtaí ar bhonn rialta chun an t-eolas is deireanaí ar an eagraíocht a chur ar fáil don fhoireann le tacú lena folláine agus tugadh isteach roinnt uirlisí agus tacaí don fhoireann. Tugadh isteach oiliúint forbartha ceannaireachta le cabhrú leis an bhforbairt foirne agus soláthraíodh roinnt cúrsaí ar thopaicí éagsúla don fhoireann.

David Moloney

Oifigeach Cuntasaíochta

An Oifig um Sholáthar Rialtais

23 Márta 2022

Ard-Reachtaire Cuntas agus Ciste

Tuarascáil le cur faoi bhráid Thithe an Oireachtais

Vóta 39 An Oifig um Sholáthar Rialtais

Tuairim faoin gcuntas leithreasa

Tá iniúchadh déanta agam ar an gcuntas leithreasa do Vóta 39 An Oifig um Sholáthar Rialtais don bhliain dar chríoch 31 Nollaig 2021 faoi alt 3 d'Acht an Ard-Reachtaire Cuntas agus Ciste (Leasú) 1993.

I mo thuairimse,

- léirítear go cuí sa chuntas leithreasa na fáltais agus an caiteachas a bhain le Vóta 39 An Oifig um Sholáthar Rialtais don bhliain dar chríoch 31 Nollaig 2021, agus
- ullmhaíodh an cuntas leithreasa san fhoirm a d'ordaigh an tAire Caiteachais Phoiblí agus Athchóirithe.

Bonn faoin tuairim

Rinne mé m'iniúchadh ar an gcuntas leithreasa de réir na gCaighdeán Idirnáisiúnta maidir le hIniúcháireacht arna fhógairt ag an Eagraíocht Idirnáisiúnta Uasfhoras Iniúcháireachta. Tá cur síos déanta ar na freagrachtaí atá orm faoi na caighdeáin sin san aguisín leis an tuarascáil seo. Níl baint ná páirt agam le Oifig um Sholáthar Rialtais agus tá na freagrachtaí eitice eile atá orm de réir na gcaighdeán comhlíonta agam.

Creidim gur leor agus gur cuí an fhianaise iniúchta a fuair mé le bonn a chur faoi mo thuairim.

Tuairisc ar an ráiteas faoi rialú inmheánach airgeadais, agus ar nithe eile

Chuir an tOifigeach Cuntasaíochta ráiteas faoi rialú inmheánach airgeadais i láthair i dteannta an chuntais leithreasa. Tá cur síos déanta ar na freagrachtaí atá orm le tuairisciú ar an bhfaisnéis atá sa ráiteas, agus ar nithe eile a dtuairiscím orthu de réir eisceachta san aguisín leis an tuarascáil seo.

Níl aon rud le tuairisciú agam ina leith sin.

Seamus MacCárthaigh

Ard-Reachtaire Cuntas agus Ciste

23 Meitheamh 2022

Aguisín leis an tuarascáil

Freagrachtaí an Oifigeach Cuntasaíochta

Tá an tOifigeach Cuntasaíochta freagrach as na nithe seo a leanas:

- an cuntas leithreasa a ullmhú de réir alt 22 den Exchequer and Audit Departments Act 1866
- a chinntiú go gcomhlíonann an cuntas leithreasa ceanglais na *Nósanna Imeachta Airgeadais Phoiblí* ón Roinn Caiteachais Phoiblí agus Athchóirithe agus ordacháin eile ón Aire Caiteachais Phoiblí agus Athchóirithe
- rialtacht na n-idirbheart a chinntiú, agus
- cur chun feidhme a dhéanamh ar cibé rialú inmheánach a chinneann an tOifigeach Cuntasaíochta a bheith riachtanach chun cuntas leithreasa a ullmhú atá saor ó mhíráiteas ábhartha, bíodh calaois nó earráid mar chúis leis.

Freagrachtaí an Ard-Reachtaire Cuntas agus Ciste

Ceanglaítear orm faoi alt 3 den Acht um Ard-Reachtaire Cuntas agus Ciste (Leasú), 1993, an cuntas leithreasa a iniúchadh agus tuairisciú air do Thithe an Oireachtais, á lua cé acu is amhlaidh nó nach amhlaidh, i mo thuairimse, a chuirtear na fáiltais agus an caiteachas a bhaineann leis an vóta i láthair go cuí sa chuntas.

Tá sé mar chuspóir agam agus an t-iniúchadh á dhéanamh agam dearbhú réasúnach a fháil ar cé acu atá nó nach bhfuil na ráitis airgeadais ina n-iomláine saor ó mhíráiteas ábhartha, bíodh calaois nó earráid mar chúis leis. Is ionann dearbhú réasúnach agus leibhéal ard dearbhaithe. Mar sin féin, ní deimhniú é gur i ngach cás ina bhfuil sé ann a aimseofar míráiteas ábhartha le linn iniúchadh a dhéantar de réir na gCaighdeán Idirnáisiúnta um Iniúchóireacht. Is féidir le míráitis teacht as calaois nó earráid agus meastar iad a bheith ábhartha más amhlaidh ina n-aonar nó mar chomhiomlán a d'fhéadfaí a bheith ag súil leis le réasún go rachadh siad i bhfeidhm ar chinntí eacnamaíocha a dhéanann úsáideoirí ar bhonn an chuntais leithreasa.

Mar chuid d'iniúchadh a dhéantar de réir na gCaighdeán Idirnáisiúnta um Iniúchóireacht, úsáidim breithiúnas gairmiúil agus coinnim sceipteachas gairmiúil ar bun ar fud an iniúchta. Le linn déanamh amhlaidh,

- Déanaim sainaithint agus measúnú ar na rioscaí a bhaineann le míráiteas ábhartha sna ráitis airgeadais, bíodh calaois nó earráid mar chúis leis; ceapaim nósanna imeachta iniúchóireachta atá freagrúil do na rioscaí sin agus cuirim i bhfeidhm iad; agus faighim fianaise iniúchta is leor agus is cuí chun bunús a thabhairt do mo thuairim. Is airde an baol nach mbraithfí míráiteas ábhartha de bharr calaoise ná de bharr earráide, toisc go bhféadfadh claonpháirteachas, brionnú, easnamh d'aon ghnó, mífhaisnéis nó sárú ar an rialú inmheánach a bheith i gceist le calaois.

- Gnóthaím tuiscint ar rialú inmheánach atá ábhartha don iniúchadh chun nósanna imeachta iniúchóireachta a cheapadh atá oiriúnach do na cúinsí. Ní dhéanaim amhlaidh, áfach, chun tuairim a thabhairt ar éifeachtacht na rialuithe inmheánacha.
- Déanaim measúnú ar cé acu a comhlíonadh nó nár comhlíonadh forálacha cuntasaíochta na *Nósanna Imeachta Airgeadais Phoiblí* ón Roinn Caiteachais Phoiblí agus Athchóirithe.

Déanaim cumarsáid leis an Oifigeach Cuntasaíochta maidir le raon feidhme agus uainiú beartaithe an iniúchta agus le fionnachtana suntasacha an iniúchta, lena n-áirítear aon easnamh shuntasacha i rialú inmheánach a shainithním le linn m'iniúchta, i measc ábhair eile.

Tuairiscím trí eisceacht i gcás gurb amhlaidh, i mo thuairimse,

- nach bhfuair mé an fhaisnéis agus na mínithe ar fad a theastaigh uaim do m'iniúchadh, nó
- nár leor na taifid chuntasaíochta chun mé a chumasú iniúchadh réidh cuí a dhéanamh ar an gcuntas leithreasa, nó
- nach bhfuil an cuntas leithreasa ag teacht leis na taifid chuntasaíochta.

Tuairisciú ar an ráiteas faoi rialú inmheánach airgeadais

Ní chumhdaíonn mo thuairim ar an gcuntas leithreasa an ráiteas ón Oifigeach Cuntasaíochta faoi rialú inmheánach airgeadais, agus ní chuirim aon chinneadh dearbhaithe in iúl ina leith.

I dtaca leis an iniúchadh ar an gcuntas leithreasa, ceanglaítear orm faoi na Caighdeáin Idirnáisiúnta um Iniúchóireacht an ráiteas faoi rialú inmheánach airgeadais a léamh agus, le linn déanamh amhlaidh, a bhreithniú cé acu is amhlaidh nó nach amhlaidh atá an fhaisnéis atá tugtha laistigh de neamh-chomhsheasmhach go hábhartha leis an gcuntas leithreasa nó le heolas a gnóthaíodh le linn an iniúchta nó atá an chuma uirthi ar shlí eile go ndearnadh míráiteas ábhartha ina leith. Más amhlaidh, bunaithe ar an obair a rinne mé, go gcinnim go ndearnadh míráiteas ábhartha, ceanglaítear orm an fíoras sin a thuairisciú.

Tuairisciú ar ábhair eile

Féachaim le linn an iniúchta le fianaise a fháil ar rialtacht na n-idirbheart airgeadais. Ceanglaítear orm faoi alt 3 den Acht um Ard-Reachtaire Cuntas agus Ciste (Leasú), 1993, tuairisciú i gcás go sainaithním aon chás ábhartha nár caitheadh airgead poiblí do na críocha a bhí beartaithe ann nó nach ndearnadh na hidirbhearta de réir na n-údarás a bhí á rialú ann.

Ceanglaítear orm freisin faoi Acht 1993 tuarascáil a ullmhú gach bliain ar cibé ábhair a eascraíonn as m'iniúchtaí ar na cuntais leithreasa is cuí liom. I gcásanna den sórt sin, tagraítear sna deimhnithe tuairime ar na cuntais leithreasa lena mbaineann don chaibidil ábhartha/do na caibidlí ábhartha sa *Tuarascáil ar Chuntais na Seirbhísí Phoiblí* uaim, ar tuarascáil bhliantúil í.

Vóta 39 An Oifig um Sholáthar Rialtais

Cuntas Leithreasa 2021

		2021	2020
	Soláthar meastacháin	Toradh	Toradh
	€000	€000	€000
Caiteachas an chláir			
A Seirbhís lárnach			
soláthair a chur ar fáil			
<i>Bunaidh</i>	18,900		
<i>Géilleadh iarchurtha</i>	59		
		18,959	17,246
Ollchaiteachas		18,959	17,246
<i>Lúide</i>			
B Leithreasaí-i-gcabhair		400	483
Glanchaiteachas			
<i>Bunaidh</i>	18,500		
<i>Géilleadh iarchurtha</i>	59		
		18,559	16,763
			16,044

Farasbarr

Tá an farasbarr ar an tsuim a cuireadh ar fáil os cionn na glansuime a caitheadh le géilleadh don Státchiste. Faoi alt 91 den Acht Airgeadais, 2004, féadfar an tsuim ar fad nó cuid d'aon leithreasaí neamhchaite do sheirbhísí soláthair chaipitiúil a thabhairt anonn lena gcaitheamh sa bhliain ina dhiaidh sin. Tugadh €35,000 de leithdháiltí neamhchaite maidir le heilimintí caipitil Fhotheideal A.2 ar aghaidh go 2022.

	2021	2020
	€	€
Farasbarr	1,795,855	2,367,301
Géilleadh iarchurtha	(35,000)	(59,000)
Farasbarr le géilleadh	1,760,855	2,308,301

David Moloney
Oifigeach Cuntasaíochta
An Oifig um Sholáthar Rialtais

23 Márta 2022

Nótaí leis an gCuntas Leithreasa

Nóta 1 Ráiteas faoin gCostas Oibriúcháin 2021

	2021	2020
€000	€000	€000
Caiteachas an chláir	1,715	1,980
Pá	14,359	13,177
Neamhphá	1,172	1,340
Ollchaiteachas	17,246	16,497
<i>Lúide</i>		
Leithreasaí-i-gcabhair	483	453
Glanchaiteachas	16,763	16,044
Athruithe ar shócmhainní caipitil		
Dímheas	67	197
Athruithe ar ghlansócmhainní reatha		
Méadú ar fhabhruithe deiridh	40	
Laghdú ar stoc	1	111
Caiteachas díreach	16,871	16,352
Caiteachas a tabhaíodh in áit eile		
Glanchaiteachas ar sheirbhísí gaolmhara (nóta 1.1)	2,517	1,841
Measchíosanna	50	50
Glanhostas an chláir	19,438	18,243

1.1 Glanchaiteachas ar sheirbhísí gaolmhara

Tá suim an ghlanchaiteachais ar sheirbhísí gaolmhara déanta suas de na suimeanna seo a leanas maidir le Vóta 39 a tabhaíodh in áit eile.

	2021	2020
	€000	€000
Vóta 7 Oifig an Aire Airgeadais	84	75
Vóta 12 Aoisliúntas agus Liúntais Scoir	290	573
Vóta 13 Oifig na nOibreacha Poiblí	1,820	925
Vóta 18 An Oifig Náisiúnta um Sheirbhísí Comhroinnte	24	23
Vóta 43 Oifig Phríomhoifigeach Faisnéise an Rialtais	299	245
	2,517	1,841

Nóta 2 Ráiteas faoin Staid Airgeadais amhail an 31 Nollaig 2021

	Nóta	2021 €000	2020 €000
Sócmhainní caipitil	2.1	145	277
Sócmhainní reatha			
Banc agus airgead tirim		664	555
Stoic		6	7
Réamhíocaíochtaí	2.2	472	470
Iarmhéideanna dochair eile	2.3	22	44
Iomlán na sócmhainní reatha		1,164	1,076
Lúide dliteanais reatha			
Speansais fhabhraithe		168	126
Iarmhéideanna creidmheasa eile	2.4	515	483
Glanmhaoiniú ón Státchiste	2.5	171	116
Iomlán na ndliteanas reatha		854	725
Glansócmhainní reatha		310	351
Glansócmhainní		455	628
Arna léiriú ag:			
Cuntas maoinithe Stáit	2.6	455	628

2.1 Sócmhainní caipitil

	Trealamh TFC	Troscán agus feistis	Trealamh oifige	Iomlán
	€000	€000	€000	€000
Oillsócmhainní				
Costas nó luacháil ag an 1 Eanáir 2021	843	152	6	1,001
Breiseanna	—	—	—	—
Coigeartú ^a	(144)	(152)	(6)	(302)
Costas nó luacháil ag an 31 Nollaig 2021	699	—	—	699
Dímheas carntha				
Iarmhéid tosaigh ag an 1 Eanáir 2021	627	91	6	724
Dímheas don bhliain	67	—	—	67
Coigeartú ^a	(140)	(91)	(6)	(237)
Dímheas carnach ag an 31 Nollaig 2021	554	—	—	554
Glansócmhainní ag an 31 Nollaig 2021	145	—	—	145
Glansócmhainní ag an 31 Nollaig 2020	216	61	—	277

Nóta ^a Baineann an coigeartú le luachanna sócmhainní aonair faoi bhun €10,000 a bhaint den chlár sócmhainní. Tá na sócmhainní in úsáid fós.

2.2 Réamhíocaíochtaí

ag an 31 Nollaig	2021 €000	2020 €000
Ceadúnais bogearraí	198	217
Síntiúis	102	93
Oiliúint agus forbairt	89	102
Tacaíocht TF	56	16
Eile	27	42
	472	470

2.3 Iarmhéideanna dochair eile

ag an 31 Nollaig	2021	2020
	€000	€000
Caiteachas in-fhorchúitithe ar scéim na bpasanna taistil	12	27
Airleacain le OOP	—	3
Míreanna dochair eile ar fionraí	10	14
	22	44

2.4 Iarmhéideanna creidmheasa eile

ag an 31 Nollaig	2021	2020
	€000	€000
Suimeanna atá dlite don Stát		
Cáin ioncaim	195	175
Árachas sóisialach pá-choibhneasa	146	130
Cáin shiarchoinneálach ar sheirbhísí gairmiúla	18	28
Cáin bhreisluacha	25	33
Ranníocaíochtaí pinsin	50	44
Cáin mhaoine áitiúil	1	1
Muirear sóisialach uilíoch	38	34
	473	445
Asbhaintí párolla á gcoinneáil ar fionraí	41	37
Míreanna creidmheasa eile ar fionraí	1	1
	515	483

2.5 Glanmhaoiniú ón Státchiste

ag an 31 Nollaig	2021	2020
	€000	€000
Farasbarr le géilleadh	1,761	2,308
Géilleadh iarchurtha	35	59
Deontas ón Státchiste nár tarraingíodh	(1,625)	(2,251)
Glanmhaoiniú ón Státchiste	171	116
Arna léiriú ag:		
Féichiúnaithe		
Banc agus airgead tirim	664	555
larmhéideanna dochair: fionraí	22	44
	686	599
Creidiúnaithe		
Dlite don Stát	(473)	(445)
larmhéideanna creidmheasa: fionraí	(42)	(38)
	(515)	(483)
	171	116

2.6 Cuntas maoinithe Stáit

	Nóta	2021	2020
		€000	€000
larmhéid ag an 1 Eanáir		628	936
Eisíocaíochtaí ón Vóta			
Soláthar meastacháin	Cuntas	18,559	
Géilleadh iarchurtha	Cuntas	(35)	
Farasbarr	Cuntas	(1,761)	
Glanvóta		16,763	16,044
Caiteachas (airgead tirim) a iompraíodh in áit eile	1.1	2,517	1,841
Míreanna neamhairgid – coigeartuithe maidir le sócmhainní caipitil		(65)	—
Caiteachas neamhairgid – measchíos	1	50	50
Glanchostas an chláir	1	(19,438)	(18,243)
larmhéid ag an 31 Nollaig		455	628

2.7 Ceangaltais

Ceangaltais dhomhanda	2021	2020
ag an 31 Nollaig	€000	€000
Soláthar earraí agus seirbhísí	<u>97</u>	<u>157</u>

Nóta 3 Caiteachas Vóta

Anailís ar chaiteachas riaracháin

Tá an leithdháileadh ar fad ar Vóta 39 An Oifig um Sholáthar Rialtais aicmithe mar chaiteachas riaracháin a úsáidtear le haghaidh clár amháin: Seirbhís lárnach soláthair a chur ar fáil.

		2021	2020
		Soláthar meastacháin	Toradh
		€000	€000
i	Tuarastail, pá agus liúntais	15,106	13,177
ii	Taisteal agus cothú	102	60
iii	Oiliúint agus forbairt agus speansais theagmhasacha	621	654
iv	Seirbhísí poist agus teileachumarsáide	102	81
v	Trealamh oifige agus seirbhísí TF seachtracha	230	408
vi	Costas áitribh oifige		
		117	137
		16,278	14,517

Difríochtaí suntasacha

Seo a leanas cuntas ar na cúiseanna le difríochtaí suntasacha sa chaiteachas riaracháin (+/- 25% agus €100,000).

v Trealamh oifige agus seirbhísí TF seachtracha

Soláthar meastacháin €230,000; toradh €419,000

Is í an phríomhthoisc a bhí taobh thiar den fhotheideal seo ná íocaíocht le OGCIO as soláthar seirbhíse agus trealamh oifige TF. Baineann na difríochtaí go mór mór le ceadúnais bogearraí bhreise, troscán agus trealamh TF a bhí ag teastáil mar chuid den fhreagairt do phaindéim Covid-19.

Clár A Seirbhís lárnach soláthair a chur ar fáil

		2021		2020
		Soláthar meastacháin	Toradh	Toradh
		€000	€000	€000
A.1	Riarachán – pá	15,106	14,359	13,177
A.2	Riarachán – neamhphá	1,172	1,172	1,340
A.3	Costais chomhairleoireachta soláthair agus costais eile			
	<i>Bunaidh</i>	2,622		
	<i>Géilleadh iarchurtha</i>	59		
		2,681	1,715	1,980
		18,959	17,246	16,497

Difríochtaí suntasacha

Seo a leanas cuntas ar na cúiseanna le difríochtaí suntasacha i gcaiteachas clár (+/- 5% agus €100,000). Ar an iomlán, bhí an caiteachas a bhain le Clár A €1.654 milliún níos ísle ná mar a soláthraíodh. Bhain €747,000 den fhigiúr sin le caiteachas riaracháin agus bhain an difríocht €907,000 go príomha leis na nithe seo a leanas:

A.3 Costais chomhairleachta soláthair agus costais eile

Soláthar meastacháin €2.681 milliún; toradh €1.715 milliún

Baineann an tearc-chaitheamh seo go príomha le moilleanna agus le hamanna tionscnaimh a bhí níos faide ná mar a bhíodhas ag súil leo i roinnt eochairthionscadal. D'eascair na moilleanna sin, den chuid is mó, as an bpaindéim atá i réim, mar gheall ar shaincheistean amhail infhaighteacht, nascacht agus atreorú acmhainní chun dul i ngleic le tionchar Covid-19.

Nóta 4 Fáltais

4.1 Leithreasaí-i-gcabhair

		2021		2020
		Measta	Réadaith e	Réadaith e
		€000	€000	€000
1	Fáltais ó rannfocaíochtaí aoisliúntais breise ar luach saothair seirbhíse poiblí	400	353	330
2	Ilghnéitheach	—	130	123
	Iomlán	400	483	453

Difríochtaí suntasacha

Seo a leanas cuntas ar na cúiseanna le difríochtaí suntasacha i leithreasaí-i-gcabhair (+/- 5% agus €100,000). Ar an iomlán, tháinig leithreasaí-i-gcabhair isteach €83,000 os cionn an mheastacháin bunaidh. Tá míniú ar an difríocht leagtha amach thíos.

2 Ilghnéitheach

Soláthar meastacháin €nialas; toradh €130,000

Tháinig méadú €130,000 chun cinn cionn is nár cuireadh an figiúr ilghnéitheach ar áireamh nuair a bhíodhas ag réiteach an mheastacháin.

4.2 Fáltais bhreise atá iníoctha leis an Státchiste

	2021	2020
	€000	€000
Iarmhéid ag an 1 Eanáir	—	—
Bailithe	75	121
Aistrithe chuig an Státchiste	(75)	(121)
Iarmhéid ag an 31 Nollaig	—	—

Nóta 5 Foireann agus Luach Saothair

5.1 Líon na bhfostaithe

Coibhéisí lánaimseartha	2021	2020
Líon foirne ag deireadh na bliana	<u>244</u>	<u>231</u>

5.2 Pá

	2021	2020
	€000	€000
Pá	13,039	11,993
Liúntais le haghaidh ard-dualgas, dualgais speisialta nó dualgais bhreise	32	33
Liúntais eile	—	3
Ragobair	6	4
ÁSPC an Fhostóra	1,282	1,144
Pá iomlán	<u>14,359</u>	<u>13,177</u>

5.3 Liúntais agus íocaíochtaí ragoibre

	Líon na bhfaighteoirí	Faighteoirí a fuair €10,000 nó níos mó	An íocaíocht aonair is airde	
			2021	2020
			€	€
Ard-dualgais, dualgais speisialta nó dualgais bhreise	3	2	16,424	13,945
Liúntais eile	—	—	—	2,580
Ragobair	3	—	5,545	1,821

5.4 Ró-íocaíochtaí párolla

ag an 31 Nollaig	Líon na bhfaighteoirí	2021 €	2020 €
Ró-íocaíochtaí	15	25,986	12,928
Pleananna aisghabhála i bhfeidhm	5	7,532	7,027

5.5 Tuarastal an Oifigigh Cuntasaíochta

Is é an tOifigeach Cuntasaíochta le haghaidh Vóta 39 An Oifig um Sholáthar Rialtais an tOifigeach Cuntasaíochta le haghaidh Vóta 11 Oifig an Aire Caiteachais Phoiblí agus Athchóirithe freisin. Nochtar a leibhéal tuarastail sa Chuntas Leithreasa le haghaidh Vóta 11.

Nóta 6 Ilghnéitheach

6.1 Costais chúitimh agus dlí

Tá an Oifig um Sholáthar Rialtais ag freagairt faoi láthair do dhá shraith d'imeachtaí dlí a bhaineann le comórtais soláthair ón aon dlíthí amháin.

- Sa chéad chás, bhí éisteacht shubstainteach ann i mí Eanáir 2022. Táthar ag fanacht leis an mbreithiúnas.
- Sa dara cás, bhí éisteacht shubstainteach ann i mí Eanáir 2022. Chuaigh an breithiúnas i bhfabhar an Aire Caiteachais Phoiblí agus Athchóirithe ach tá sé faoi réir achomhairc.

Tá an dá chás á gcosaint le tacaíocht ó Oifig an Phríomh-Aturnae Stáit (OPAS) agus ó Oifig an Ard-Aighne.

Rinneadh sraith eile d'imeachtaí ar leithligh a dhiúscairt in 2021, leis an dlíthí céanna, roimh aon éisteacht shubstainteach. Rinne an Chúirt Uachtarach ordú in 2021 maidir le dámhachtain roinnt míreanna costais i dtaca le héisteachtaí nós imeachta a bhaineann leis an gcás seo. Ní fios fós an costas dlí agus tá OPAS tar éis bille costas ón dlíthí a chur ar aghaidh chuig an nGníomhaireacht um Éilimh ar an Stát.